



# Proklamation



zum Egerchinger' Narrechlapp 1982

ES ISCH SO WIT DIR LIEBI LÜÜT,  
DR CHIRCHTURM STREIKT ZWAR, NÜT VO GLÜT.  
ZUM GLÜCK HETS KLÖPFT, „SACKRAMÄNT“  
JETZ ISCH ER DO, MI SCHÖNSCHT MOMENT!

I WIRDE JETZ DAS DORF REGIERE,  
UND DÜR DIE SCHÖNSCHTI WUCHE FÜEHRE.  
POLITIK UND GSETZ UND ANDERI SACHE  
WIT FURT DERMIT, SECHS TAG GOH BACHE!

AM AFANG VO SECHS TOLLE TAG,  
LAD I EUCH I, ZU MIR ZUM WAGE.  
I GRUESSE EUCH, SIT MINI GÄSCHT  
DO BIS WALTİ'S WINZERFÄSCHT.

JEDEM NARR SIS EIGNIGS GLAS  
SAMT INHALT SO VERSTOH NI DAS.  
MACHT PROST, E SCHLUCK RÄSCHT WEG,  
DAS GIT STIMMIG JEDI WETT.

JEDE CHEF HET SIS PROGRAMM  
DO HEIT DIR MIS, GENAU UF'S GRAMM.  
AM FÜIFI MORN UND NID VORHÄR  
FÖI MIR KESSLETE WIEDER HÄR.

MIT GLOGGE, GLÜT, KNALL UND LÄRM  
3 MOU LÜTER NO AUS FÄRN.  
AM NOMITTAG SI CHINDER DRA,  
DIE SELLE AU S'VERGNÜEGE HA.

VOM ACHTI A UND ZWAR AM OBE  
CHASCH IM MONDSAAL DI USTOBE.  
KONKORDIA LAD BÖÖGE I,  
FÜR BIS AM MORGE Z'LUSCHTIG SI.

E GUETI STIMMIG WIE NORMAL  
GITS I DE ANDERE LOKAL.  
MIT SCHNITZELBÄNK UND GUGGEMUSIK  
GOHTS LUSCHTIG UND DE WIE „BOTZTUSIG“

NACH EM ERSCHTE TAG IN RUEHI  
GÖI MIR DEN AM HAMMER ZUE.  
AM SAMSCHTIG UND AM FASNACHTSZISCHTIG  
ZWE GROSSI BÄLL FÜR D'BÖÖGE WICHTIG.

AU DIE WO NID MIT MIR CHÖI FÄSCHTE  
ZELL I ZU MINE GÄSCHTE.  
DIE CHRANKE UND OU D'SENIORE,  
DIE SI BI MIR GAR NIT VERLORE.

OU DIE DEHEIM UND IM SPITAL  
GITS ALTERSFASNACHT IM MONDSAAL.  
DIE SÖLLE AUI LUSCHTIG SI  
NATÜRLICH BINI OU DERBI.

AM ZISCHTIG ZOBE BRÖNNT DER BÖÖG  
DAS GIT ES CHLAGE UND ES GMÖG.  
I DRÖCHNE EUCH DIE VIELE TRÄNE,  
DRUM MACHET MIT IHR ALLI ZÄME.

DAS ISCH ES GSI MIT ALTRI STRING,  
DOCH EUCH CHUNNT JO NO VIEL I SINN.  
SO SEIT S'ANNI ZU SIM KARI,  
„MACH DI ZWÄG DU LARIFARI“

SO TÖNT DER HÜRIG FASNACHTSMARSCH  
WENN ÖBER SEIT LÄCK MIR AM ..... ARM.  
SIG DAS E MA ODER E FRAU  
DÄNK A S'MOTTO „DU MIR OU“

VERLÄSE, BSCHLOSSE, BESIEGLET  
DIE AUTE GSETZ WÄRDE VERRIEGLET.

EUCHE OBERNARR

WALTIDERI

